

# Karr ar vuhez

Aleksandr Pouchkin

*Troet diwar ar rusianeg gant Françoise Lermen*



Daoust d'e samm a-wechoù pounner,  
E ruilh ar c'harr lijer war-raok,  
E vlenier ar paotr-kozh Amzer  
Hen kas hardizh hep tamm diskrog.

D'ar beure e pignomp er c'harr;  
Hor gouzoug a dorromp laouen,  
Hep diegi hag hep trugar,  
E huchomp uhel: Yô en hent!...

Da greisteiz n'eo ket memes kont;  
Todoroset omp ha rak-se,  
Ribin ha diribin hor spont,  
Hag e huchomp: goustad beulke!

Ar c'harr a ruilh c'hoazh da serr-noz;  
Boazet outañ ha moredek,  
E tostaomp d'hol lec'h-repoz,  
An Amzer a vroud ar c'hezeg.

*Copyright©2012 Françoise Lermen  
Pep gwir miret strizh*